




ԱՍՏՎԱԾԱՇՈՒՆԶ ՄԱՏՅԱՆԻՑ

ԵՍԱՅՈՒ ՄԱՐԳԱՐԷՈՒԹԻՒՆԸ

1 1 Ամոսի որդի Եսայու տեսիլքը,
որ նա տեսաւ Հրեաստանի եւ Երու-
սաղէմի վրայ, երբ Հրեաստանում
թագաւորում էին Յզիան, Յովաթամը,
Աքազը եւ Եզեկիան:

ԱՍՏՈՒԱԾ ՅԱՆԴԻՄԱՆՈՒՄ Է ԻՐ
ԺՈՂՈՎՐԴԻՆ

2 Լսի՛ր, երկի՛նք, եւ ալա՛նք դիր,
երկի՛ր,

քանզի Տէրն է խօսում.

«Զաւակներ ունեցայ եւ մեծացրի,
իսկ նրանք ինձ անարգեցին:

3 Եզն իր տիրոջն է ճանաչում, եւ
Էշը՝ իր տիրոջ մօտը,

բայց Իսրայէլն ինձ չճանաչեց,
իմ ժողովուրդն ինձ չհասկացաւ:

4 Վա՛յ մեղաւոր ազգին.

մեղքերով լի ժողովո՛ւրդ,
չարագո՛րծ սերունդ,

անօրէ՛ն ծնունդներ,
թողեցիք Տիրոջը,
բարկացրիք Իսրայէլի սրբին:
Նրանք օտարացան ու յետ քաշ-
ուեցին:

5 Ինչո՞ւ էք անօրէնութիւնների
վրայ նոր վերքեր աւելացնում*:

Ամէն գլուխն ցաւի մէջ է, ամէն
սիրտ՝ տրտմութեան:

6 Ոտքերից մինչեւ գլուխ նրա վրայ
առողջ տեղ չկայ.

վերքերի, աշտուցների եւ շարաւոտ
խոցերի վրայ դնելու ո՛չ սպեղանի
կայ, ո՛չ ձէթ եւ ո՛չ էլ վիրակապ:

7 Չեր երկիրն աւերակ է, ձեր քա-
ղաքները՝ հրոյ ճարակ.

թշնամի ցեղերից աւերուած ու ա-
մայացած ձեր հողի բարիքները

* Եբրայերէնում՝ ի՞նչ պատիժ սահմա-
նենք, երբ աւելի ապատամբէք:

ձեր իսկ աչքի առաջ օտարներն են ուտում:

8 Սիոնի դուստր Երուսաղէմը պիտի մնայ լքուած,

ինչպէս տաղաւարը՝ այգում, մրգապահների հիղակը՝ սեխի պարտէզում,

ինչպէս պաշարման մէջ գտնուող քաղաքը:

9 Եթէ Զօրութիւնների Տէրը մեզ սերունդ թողած չլինէր,

կը դառնայինք Սոդոմի պէս, կը նմանուէինք Գոմորին:

10 Լսեցէ՛ք Տիրոջ խօսքը, ո՛վ Սոդոմի իշխաններ.

ակա՛նջ որէք Աստծու օրէնքներին, ո՛վ Գոմորի մարդիկ:

11 «Իմ ինչի՞ն են պէտք ձեր բաւմաթիւ զոհեր,—ասում է Տէրը,—

ես կշտացել եմ ձեր խոյերի ողջակէզներից.

ձեր գառների ճարպը, ցուլերի ու նոխազների արիւնը չէ, որ ուզում եմ,

12 եւ ոչ էլ այն, որ գաք ու կանգնէք իմ առաջ:

Ո՛վ խնդրեց դա ձեզնից.

մի՛ շարունակէք կոխտել իմ գաւիթները:

13 Եթէ ազնիւ ալիւրի հաց մատուցէք ինձ՝ զոր է լինելու.

ձեր խնկերն էլ են պիղծ ինձ համար. ձեր ամսամուտները,

շաբաթները եւ տօնական մեծ օրը եւս անընդունելի են ինձ.

14 ձեր պահեցողութիւնն ու հանգիստը,

ձեր ամսամուտներն ու տօները անեց իմ հոգին:

Կշտացել եմ ձեզնից,

այլեւս չեմ ների ձեր մեղքերը:

15 Երբ աղօթքի համար դէպի վեր բարձրացնէք ձեր ձեռքերը,

երես եմ դարձնելու ձեզանից,

եւ եթէ բազմապատկէք ձեր աղօթքները, չեմ լսելու ձեզ,

որովհետեւ ձեր ձեռքերը լի են արիւնով:

16 Լուացուէ՛ք, մաքրուէ՛ք,

իմ աչքի առաջ թօթափեցէ՛ք ձեր չար գործերը ձեզնից,

վե՛րջ տուէք ձեր չարագործութիւններին:

17 Սովորեցէք բարի՛ք գործել,

արդարութիւն փնտռեցէք,

փրկեցէ՛ք զրկուածի՛ն,

արդարադա՛տ եղէք որբի հանդէպ,

իրաւ՛ունք տուէք այրուն:

18 Եկէ՛ք խօսենք իրար հետ,—ասում է Տէրը.—

եթէ ձեր մեղքերը արեան պէս կարմիր են.

ապա ես ձեան պէս ճերմակ կը դարձնեմ,

եթէ որդան կարմիր լինեն,

կը սպիտակեցնեմ ինչպէս բուրդ:

19 Եւ եթէ յօծար լինէք ու լսէք ինձ, դուք կը ճաշակէք երկրի բարիքները.

20 իսկ եթէ չկամենաք ինձ լսել,

սո՛ւրբ պիտի ուտի ձեզ,

քանզի Տիրոջ շուրթերն ասացին այս»:

ԱՊԱԿԱՆՈՒԱԾ ԵՐՈՒՍԱՂԷՄԸ

21 «Ինչպէ՛ս պոռնիկ դարձաւ հաւատարիմ քաղաք Սիոնը,

որը լի էր հաւատով,

ուր արդարութիւն էր բնակում,

իսկ այժմ՝ մարդասպանները:

22 Ձեր արծաթը փորձուած չէ, ձեր վաճառականները գինուն ջուր են խառնում,

23 ձեր իշխաններն ապստամբներ են եւ գողերին գողակից,

կաշառք սիրող են եւ վրէժխնդիր,

որբերի իրաւունքը չեն պաշտպանում

եւ ուշադրութիւն չեն դարձնում այրիների դատին»:

24 Դրա համար էլ այսպէս է ասում Զօրութիւնների Տէրը՝

Իսրայէլի ամենագօր Աստուածը.

«Վա՛յ ձեզ, Իսրայէլի հօգօրնե՛ր,

բարկութիւնն իմ այլեւս չի դադարելու իմ հակառակորդների հանդէպ,

դատ ու դատաստանով պիտի պատժեմ իմ թշնամիներին:

25 Ձեռքս պիտի ձգեմ քեզ վրայ, մաքրելու համար քեզ քուրայում պիտի այրեմ:

Կորստեան պիտի մատնեմ ապրտամբներիդ,

քո միջից պիտի վերացնեմ բոլոր անօրէններից,

բոլոր ամբարտաւաններից պիտի խոնարհեցնեմ:

26 Քեզ վրայ, ինչպէս առաջ, դատաւորներ պիտի կարգեմ ու խորհրդականներ՝ ինչպէս նախկինում,

եւ այն ժամանակ դու կը կոչուես Քաղաք արդարութեան՝ քաղաքների մայր հաւատարիմ Սիոն»:

27 Արդարեւ, նա գերութիւնից պիտի փրկուի իրաւունքով, արդարութեամբ եւ ողորմածութեամբ:

28 Բայց անօրէններն ու մեղաւորները պիտի խորտակուեն միասին,

եւ նրանք, որ լքեցին Տիրոջը, պիտի բնաջնջուեն միասին:

29 Նրանք ամաչելու են այն կոտորների համար.

որոնց հանդէպ սէր էին տածում, ամօթահար են լինելու այն դիւրապատկերների համար,

որ իրենք կերտեցին, խայտառակուելու են այն պարտէզների* համար,

որոնց ցանկանում էին:

30 Լինելու են ինչպէս տերեւաթափ քեւեկնի,

նմանուելու են այգու, որը ջուր չունի:

31 Նրանց զօրութիւնը վերածուելու է ծեծուած վուշի խոիի,

իսկ նրանց գործերը՝ կրակի կայծերի,

եւ անօրէններն ու մեղաւորները այրուելու են միասին.

եւ չի լինելու ոչ ոք, որ հանգցնի կրակը»:

ՅԱԻԻՏԵՆԱԿԱՆ ԽԱՂԱՂՈՒԹԻՒՆԸ

2 1 Ամոսի որդի Եսայուն ողորմած խօսքը Հրէաստանի եւ Երուսաղէմի մասին

2 Վերջին օրերին պիտի յայտնուի Տիրոջ լեռը,

Աստծու տունը՝ լեռների գագաթներից,

պիտի բարձրանայ բլուրների վրայ, եւ բոլոր հեթանոսները պիտի շարժուեն դէպի նա:

3 Գալու են բազում ժողովուրդներ՝ ասելով.

«Եկէ՛ք ելնենք Տիրոջ լեռն ու Յակոբի Աստծու տունը: Նա մեզ կը սովորեցնի իր ճանապարհները, որոնցով եւ կը գնանք»:

Օրէնքները Սիոնից են դուրս գալիս, եւ Տիրոջ խօսքը՝ Երուսաղէմից:

4 Նա դատաստան պիտի տեսնի հեթանոսների մէջ ու պիտի յանդիմանի բազում ժողովուրդների:

Նրանք իրենց սուսերներից խոփեր պիտի ձուլեն,

եւ իրենց սուիներից՝ մանգաղներ. ազգ ազգի վրայ սուր չպիտի բարձրացնի,

եւ նրանք այլեւս չեն սովորելու պատերազմել:

ՏԻՐՈՋ ՕՐԸ

5 Արդ, ո՛վ տունդ Յակոբի, եկէ՛ք բայլենք Տիրոջ լոյսի մէջ:

6 Նա երես դարձրեց իր ժողովրդից՝ Յակոբի տնից,

որովհետեւ նրանց երկիրը, ինչպէս այլազգիներից,

առաջուայ պէս լցուեց կախարդներով,

եւ նրանք բազում այլազգի որդիներ ունեցան:

* պարտէզներ—սուրբ անտառներ, ուր զոհեր էին մատուցում եւ ամէն կարգի արգելուած բաներ ուտում. տե՛ս նաեւ ԿԵ 3 եւ ԿԶ 17:

7 Նրանց երկիրը լցուեց ոսկով ու արծաթով:

նրանց գանձերին թիւ չկար.

նրանց երկիրը լցուեց երիվարներով,

նրանց ռազմականութեան թիւ չկար:

8 Նրանց երկիրը լցուեց իրենց իսկ ձեռքերով կերտած գարշելի կոտրերով,

եւ նրանք երկրպագեցին նրա՛նց, որ իրենց մատներն էին ստեղծել:

9 Ստորացաւ մարդը,

գետնամած խոնարհուեց տղամարդը,

եւ չեմ ների նրանց:

10 Արդ, Տիրոջ սարսափից ու նրա փառքի զօրութիւնից

գնացէք քարերի տա՛կ մտէք,

հողի մէ՛ջ թաքնուէք,

երբ նա կը յառնի երկիրը պատուհասելու:

11 Տէրը նայում է բարձունքից,

իսկ մարդը խեղճ ու ողորմելի է. մարդկանց ամբարտաւանութիւնը պիտի խոնարհուի,

ու այդ օրը միայն Տէրը պիտի բարձրանայ,

12 քանզի Զօրութիւնների Տիրոջ օրը բոլոր հպարտների ու ամբարտաւանների վրայ է,

բոլոր մեծամիտների ու գոռոզների վրայ, որոնք պիտի խնարհուեն,

13 նաեւ Լիբանանի բոլոր բարձր ու սլացիկ մայրիկների վրայ

եւ Բասանի բոլոր կաղնի ծառերի վրայ,

14 բոլոր բարձր լեռների եւ բարձրիկ բլուրների վրայ,

15 բոլոր վերասլաց աշտարակների եւ բարձր պարիսպների վրայ,

16 ծովի բոլոր նաւերի վրայ,

բոլոր վեհաշուք նաւերի վրայ:

17 Ամէն մարդ պիտի խոնարհուի, մարդկանց հպարտութիւնը պիտի իջնի,

եւ միայն Տէրը պիտի բարձրանայ այդ օրը:

18 Նրանք իրենց բոլոր ձեռակերտ

կոտրերը պիտի տանեն թաքցնեն 19 քարայրներում,

ժայռերի ծերպերում ու գետնի խոռոչներում՝

սարսափած Տիրոջից ու նրա փառքի զօրութիւնից,

երբ նա կը յառնի՝ երկիրը պատուհասելու:

20 Այն օրը մարդ իր արծաթէ ու ոսկէ գարշելի կոտրերը, որ պատրաստել էր սնոտի բաներին ու չղջիկներին երկրպագելու համար, պիտի հանի՝ 21 Տիրոջ սարսափից եւ նրա փառքի զօրութիւնից մտնելով ամրակոտ ապստամբների խոռոչներն ու ծերպերը, երբ Տէրը կը յառնի՝ երկիրը պատուհասելու:

22 Դադարեցէ՛ք յոյս դնել այն մարդու վրայ,

որի շունչը ունգերի մէջ է, որովհետեւ ի՛նչ վստահութիւն կարող է ներշնչել նա:

ԵՐՈՒՍԱՂԷՄՈՒՄ՝ ՔԱՌՍ

3 Ահաւասիկ Զօրութիւնների Տէր Աստուածը

Հրէաստանից եւ Երուսաղէմից պիտի վերացնի հզօր տղամարդուն եւ զօրաւոր կնոջը,

հացի զօրութիւնը եւ ջրի զօրութիւնը,

2 հսկային, զօրեղին եւ քաջամարտիկին,

դատաւորին, մարգարէին, քննիչին եւ ծերին,

3 յիսնապետին եւ սքանչելի խորհրդականին,

իմաստուն ճարտարապետին եւ խելամիտ ատենակալին*:

4 Նրանց վրայ իշխան պիտի կարգեմ մանուկներին,

խաբէքաները պիտի տիրեն նրանց:

5 Ժողովուրդն իրար պիտի անցնի, տղամարդը տղամարդու դէմ պիտի ելնի,

ընկերն՝ ընկերոջ դէմ,

* Եբրայերէնում՝ կախարդին:

մանուկը ծերի հետ պիտի ընդհար-
ուի,

անարժանն՝ արժանաւորի հետ:

6 Ու մարդ պիտի բռնի իր եղբօրը
կամ իր հօր ընտանիքից մէկին եւ
ասի.

«Դու վերարկու ունես, մեզ իշխա՛ն
դարձիր,

թող մեր կերակուրը քո հրամանով
լինի»:

7 Այն ժամանակ պատասխան է
տալու՝ ասելով.

«Իշխան չեմ լինի, որովհետեւ իմ
տանը ո՛չ հաց կայ եւ ո՛չ էլ հագուստ.

եւ այս ժողովրդի վրայ իշխան չեմ
դառնայ»:

8 Եւ այսպէս, Երուսաղէմը լքուեց,
Հրէաստանը կործանուեց,

եւ նրանց լեզուները անօրինու-
թեամբ ապստամբեցին Տիրոջ դէմ:

9 Ահա թէ ինչու նրանց փառքը
նսեմացաւ,

ամօթը ծածկեց նրանց երեսը,

եւ նրանք իրենց մեղքերը, սողո-
մայեցիների նման, պատմեցին ու
յայտնի դարձրին:

Վա՛յ նրանց հոգիներին,

որովհետեւ իրենք իրենց համար
շար խորհուրդներ խորհեցին

10 եւ ասացին. «Կապենք արդա-
րին, քանի որ նա մեզ անհաճոյ է»:

Այսուհետեւ նրանք իրենց արարք-
ների պտուղները պիտի ուտեն:

11 Վա՛յ անօրէնին,

չարիքները պիտի գան նրա վրայ՝
ըստ իրենց կատարած շար գործերի:

12 Ո՛վ իմ ժողովուրդ, ձեր հարկա-
հանները ձեզ ճաքաղ են անում,

հարկապահանջները տիրում են
ձեզ.

ո՛վ իմ ժողովուրդ,

նրանք, ովքեր երանի են տալիս
ձեզ, խաբում են ձեզ

եւ խոտորում ձեր շաւիղները:

ՏԵՐԸ ԴԱՏԵԼՈՒ Է ԻՐ ԺՈՂՈՎՐԴԻՆ

13 Բայց ահա ներկայանալու է
Տէրը, որ դատաստան անի,

եւ իր ժողովրդին կանգնեցնելու է
ատենանում:

14 Տէրն ինքը դատելու է իր ժողո-
վրդի ծերերին եւ նրանց իշխաննե-
րին.

«Դուք ինչո՞ւ հրկիզեցիք իմ այգին.
տնանկից յափշտակուածը ձեր տնե-
րում է:

15 Դուք ինչո՞ւ էք զրկում իմ ժողո-
վրդին եւ ամօթահար անում տնանկ-
ներից»,—

ասում է Տէրը, Զօրութիւնների Տէ-
րը:

ՍԻՈՆԻ ՊԾՆԱԶԱՐԴ ԴՈՒՍՏՐԵՐԻ
ԴԷՄ

16 Այսպէս է ասում Տէրը.

«Որովհետեւ Սիոնի դուստրերը
հպարտացան, քայլում էին բարձրա-
պարանոց,

աչքով-ունքով էին անում,

շարժուելիս իրենց քղանցքներն էին
քարշ տալիս ու ոտքերով կաքաւում,

17 դրա համար էլ Աստուած պիտի
խոնարհեցնի Սիոնի իշխանուհի
դուստրերին,

այն օրը Տէրը պսակազերծ պիտի
անի նրանց»:

18 Տէրը նրանց վրայից պիտի հա-
նի նրանց վայելուչ զգեստները եւ
պատմունքները,

19 պիտի քանդի նրանց հիւսերը,

վերացնի նրանց ծամակալները,

20 նրանց պսակակալներն ու մա-
հիկաձև վզնոցները,

նրանց դէմքի քողազարդերն ու
վայելուչ պանունազարդերը,

քօղէքներն ու ապարանջանները,

մեհեւանդներն ու գինդերը,

21 նրանց մատանիներն ու ոսկե-
շար մանեակները,

դիպակներն ու թելաւոր զարդերը,

22 եզրածիրանին ու միջնածիրա-
նին,

առունին հագուստն ու պերճաշուք
լակոնականը,

23 բեհեզն ու երկնագոյնը,

կարմիր շղարշաքօղը,
բանուածոյ, ոսկեճամուկ ու ոսկե-
ծոպ զգեստներն ու գօտիները:

24 Եւ քո արարքների պատճառով
անուշահոտութիւնների փոխարէն փո-
շի պիտի լինի,

զարդանախշ զգեստների փոխարէն՝
չուան գօտի,

ոսկեայ գլխազարդի փոխարէն՝ ճա-
ղատութիւն,

իսկ ոսկեհիւս դիպակի փոխարէն
քուրճ պիտի հագնես:

25 Քո գեղեցիկ զաւակը, որին դու
սիրում ես, սրով պիտի մեռնի,

ձեր իշխանները եւս սրով պիտի
ընկնեն: 26 Ձեր զարդատուփերը
դատարկ պիտի մնան,

պիտի մատնուեն սգի,

իսկ դու պիտի մնաս մեն-մենակ ու
տապալուես գետին»:

4 Այն օրը եօթը կին պիտի բռնեն
մի տղամարդու եւ ասեն.

«Մեր հացը կ'ուտենք եւ մեր զգես-
տը կը հագնենք,

միայն թէ քո անունը լինի մեզ
վրայ.

մեր այրիութեան նախատինքը վե-
րացրո՛ւ մեզնից»:

ԵՐՈՒՍԱՂԷՄԸ ՊԻՏԻ

ՎԵՐԱԿԱՆԳՆՈՒԻ

2 Այն օրն Աստուած իր խորհրդա-
ւորութեամբ ու փառքով պիտի ճա-
ռագի երկրի վրայ՝ բարձրացնելու եւ
փառաւորելու համար Իսրայէլի մնա-
ցորդացին: 3 Թէ՛ Սիոնից մնացած-
ները եւ թէ՛ Երուսաղէմից մնացած-
ները բոլորը, որոնք Երուսաղէմի կե-
նաց գրքի մէջ են գրուած, սուրբ պի-
տի կոչուեն, 4 քանզի Տէրը Սիոնի
եւ Երուսաղէմի տղաների ու աղջիկ-
ների աղտեղութիւնը պիտի լուանայ,
դատաստանի հոգով եւ այրման հո-
գով արիւնը նրանց միջից պիտի սրբ-
բի: 5 Նա պիտի գայ, եւ Սիոն լե-
րան բոլոր տեղերը ու նրա շուրջն

եղած ամէն ինչ ցերեկն ամպհովա-
նի պիտի ունենան, իսկ գիշերը դը-
րանք պիտի ծածկուեն ամենայն փա-
ռաւորութեամբ, կարծես բորբոքուած
կրակի լոյսով ու ծխով: 6 Հովանի
պիտի լինի տօթի դէմ, եւ ապաստա-
րան ու ծածկ՝ սաստկաշունչ եղանա-
կի ու անձրեւի դէմ:

ՏԻՐՈՋ ԱՅԳԻՆ

5 Իմ սիրեցեալի համար պիտի
երգեմ նրա սիրելի այգու երգը.

Մի անկիւնում, արգասանդ մի տե-
ղում, այգի ունէր իմ սիրելին:

2 Ցանկապատեցի, բարձր ձողեր
կանգնեցրի

եւ ընտիր որթատունկ տնկեցի:

Աշտարակ շինեցի նրա մէջ,

նաեւ հնձան փորեցի այնտեղ

եւ սպասեցի, որ խաղող բերի,

բայց փուշ* բերեց: 3 Այժմ, Յու-
դայի երկրի մարդի՛կ եւ Երուսաղէմի
բնակիչնե՛ր,

իմ ու իմ այգու դա՛տն արեք.

4 Էլ ի՞նչ պիտի անէի իմ այգու հա-
մար, որ չարեցի:

5 Սպասեցի, որ խաղող բերի,

բայց փուշ բերեց:

Հիմա ես ինքս կ'ասեմ, թէ ինչպի՛ս
եմ վարուելու իմ այգու հետ.

կը քանդեմ նրա ցանկապատը,

եւ թող յափշտակութեան ենթարկ-
ուի այն.

կը կործանեմ նրա պարիսպները,
եւ թող ոտքի կոխան լինի այն:

6 Կը լքեմ իմ այգին, թող չէտուի
ու չփորուի,

թող նրա մէջ փուշ բուսնի, ինչպէս
խոպան տեղում,

եւ կը պատուիրեմ իմ ամպերին, որ
չանձրեւեն իմ այգում:

7 Զօրութիւնների Տիրոջ այգին
Իսրայէլի տունն է.

Յուդայի երկրի մարդը՝ նրա սիրած
դալար որթատունկը.

* Եբրայերէնում՝ ազդի:

սպասեցի, որ նա իրաւունքը պահի,
առաջ տանի,

բայց նա անիրաւութիւն արեց,
արդարութեան փոխարէն՝ ողբ ու
աղաղակ:

8 Վա՛յ նրանց, որոնք տանը տուն
են կցում

եւ ագարակին ագարակ միացնում,
որպէսզի ընկերոջն արտաքսեն.

բայց մի՞թէ երկրի վրայ մեռակ
դուք էք ապրելու:

9 Ահաւասիկ այդ ամէնը հասաւ
Զօրութիւնների Տիրոջ ականջին:

Եւ թէկուզ տները բազմաթիւ լինեն,
նրանք աւերակ են դառնալու.

եթէ մեծ ու գեղեցիկ էլ լինեն, մարդ
չի գտնուելու, որ բնակուի նրանց մէջ:

10 Տասը լուծ եզան վարատելը
տալու է մէկ սափոր արդիւնք,

տասը արդու սերմանողը երեք գրիւ
է հաւաքելու:

11 Վա՛յ նրանց, ովքեր առաւօտ-
եան վեր կենալով՝ ընկում են օդու յե-
տեւից

եւ օրն անցկացնում դրանով,

եւ հէնց գինին նորից բորբոքում է
նրանց:

12 Փողով ու թմբուկով, քնարով ու
երգով գինին խմում,

բայց չեն նայում Տիրոջ գործերին,
նրա ձեռքի կատարածներին ուշա-
դրութիւն չեն դարձնում:

13 Իմ ժողովուրդն այսուհետեւ գե-
րութեան է մատնուելու այն պատճա-
ռով,

որ չի ճանաչում Տիրոջը.

հացի սովից եւ ջրի ծարաւից բազ-
մանալու են նրանց դիակները:

14 Դժոխքն էլ ինքն իրեն լայնաց-
րել եւ բացել է իր երախները,

որպէսզի դադար չունենայ.

փառաւորութեան, մեծամեծներն
ու հարուստները,

չարագործներն ու զուարճամոլները
նրա մէջ պիտի իջնեն:

15 Մարդը պիտի ստորացուի,
անուանի տղամարդը պիտի անարգ-
ուի,

ամբարտաւան աչքերը պիտի խո-
նարհուեն,

16 եւ Զօրութիւնների Տէրն արդա-
րութեամբ պիտի բարձրանայ,

սուրբ Աստուածն արդարութեամբ
պիտի փառաւորուի:

17 Յափշտակութեամբ պիտի ա-
րածեն ինչպէս ցուլեր,

եւ մնացածների աւերակների վրայ
գառները պիտի ճարակեն:

18 Վա՛յ նրանց, ովքեր կարծես
երկար պարանով իրենց մեղքերն են
քարշ տալիս

եւ ասես երիւնջների լծափոկով՝ ի-
րենց անօրէնութիւնները:

19 Նրանք ասում են. «Այն, ինչ որ
կատարելու է,

թող շուտ վրայ հասնի, որ տես-
նենք.

թող ժամանի Իսրայէլի սրբի խոր-
հուրդը, որ իմանանք»:

20 Վա՛յ նրանց, որոնք չարը բարի
կ'անուանեն եւ բարին՝ չար,

որոնք լոյսը խաւար կը համարեն
եւ խաւարը՝ լոյս,

որոնք դառը քաղցր կը համարեն
եւ քաղցրը՝ դառը:

21 Վա՛յ նրանց, որոնք իրենք ի-
րենց իմաստունի տեղ կը դնեն,

իրենք իրենց աչքին խորագէտ կ'ե-
րեան:

22 Վա՛յ ձեր այդ հզօրներին, ո-
րոնք գինի են ըմպում,

եւ ձեր իշխաններին, որոնք խառ-
նրուած թունդ օրի են խմում,

23 որոնք կաշառքի համար արդա-
րացնում են

ամբարշտին եւ արդարի իրաւունքն
են գողանում:

24 Դրա համար էլ, ինչպէս եղէգն
է վառում կրակի կաշծերից,

այնպէս էլ նրանք են այրուելու
բորբոքուած բոցից,

նրանց արմատը դառնալու է մղեղի
նման,

նրանց ծաղիկը փոշու պէս վեր է
ելնելու,

որովհետեւ նրանք մերժեցին Զօ-

րութիւնների Տիրոջ օրէնքը,
առաւել եւս անարգեցին Իսրայէլի
սրբի խօսքը:

25 Եւ սաստկացաւ Զօրութիւնների
Տիրոջ զայրոյթը իր ժողովրդի դէմ.

Նա ձեռքը ձգեց նրանց վրայ եւ
ոչնչացրեց՝ իր բարկութիւնը տարա-
ծելով նաեւ լեռների վրայ,

եւ նրանց դիակները, իբրեւ աղբ,
թափուած են ճանապարհներին:

Բայց, այս բոլորով հանդերձ, նրա
բարկութիւնը չիջաւ.

տակասին նրա ձեռքը մնում է
բարձրացած:

26 Այսուհետեւ ազդանշան կը տայ
հեռաւոր ազգերին

ու նրանց կը բերի երկրի ծայրերից.

եւ ահա նրանք առանց յապաղելու
արագ կ'ընթանան եւ թերեւօրէն տեղ
կը հասնեն:

27 Ո՛չ քաղց են զգալու եւ ո՛չ էլ
յոգնելու,

ո՛չ նիրհելու են եւ ո՛չ էլ ննջելու,

ո՛չ իրենց մէջքի գօտիներն են ար-
ձակելու,

ո՛չ էլ իրենց կօշիկների կապերն են
քանդուելու:

28 Նրանց նետերը սուր են, աղեղ-
ները՝ լարուած,

նրանց երիվարների սմբակները
կարծր ապառաժի նման են,

մարտակառքերի անիւները՝ մորիկի
պէս:

29 Նրանք յարձակուելու են ինչ-
պէս առիծներ,

վրայ են հասնելու ինչպէս առիծի
կորիւններ.

գոշիւն են հանելու, յարձակուելու
են եւ գազանաւբար կոտորելու.

եւ չի լինելու ոչ ոք, որ փրկի նը-
րանց:

30 Այն օրը, ինչպէս ալեծուփ ծո-
վի ձայնը,

աղաղակ պիտի բարձրացնեն նը-
րանց վրայ:

Պիտի նայեն դէպի վեր՝ երկնքին,
եւ դէպի վար՝ երկրին,

բայց ահա նրանց տագնապին ի
պատասխան լինելու է դաժան խա-
ւար:

Թարգմ. Պ. ԽԱԶԱՏՐՅԱՆԻ

